

2ND SITTING ON 27TH, MAY, 1982 AT 10:30 AM

Pu C. Chawngkunga, Deputy Speaker at the Chair, four Ministers and 19 Members were present.

BUSINESS

1. QUESTIONS entered in separate list to be asked and answers given.

LEGISLATIVE BUSINESS

2. Bill to be considered

Pu F. Malsawma, Minister i/c Industries etc. to move that "the Mizoram Khadi and Village Industries Board Bill, 1982" be considered.

ALSO to move that the Bill be passed.

DEPUTY SPEAKER: Ngaitih, unau te ingneih dial dial a awmkhawm hi a va thain, a va nuam em!
Lu a hriak hlu tak,
Khabe hmula luang thla,
Arona khabe hmul ngei a luang thla a,
A kawrfual hmawr a luang thla ang kha ani;
Hermon daifim
zion tlang te a tla thin ang hi ani;
Chutah chuan LALPAN malsawma thu a pe a,
Kumkhua a nunna tur chu.

(Sam 133: 1 -3)

Vawin kan business-ah kan kal tan anga, vawinah hian kan business bill kha han en ula, pakhatna question tih ani a. Tunah zawhna starred question no.1, Pi K.Thansiami zawt u turin kan sawm ang.

PI K.THANSIAMI: Pu Deputy Speaker, ka zawhna starred question no.1 (a) leh (b) -

"Will the Hon'ble Minister in-charge Education and Social Welfare Department be pleased to state -

- (a) Is it a fact that a Pre-Primary Teacher, who is female, working under the Social & Welfare Deptt. Govt. of Mizoram who conceives and illegitimate child, is removed from her service?
- (b) If yes, what penalty is inflicted by the Govt. upon the male Govt. servant, who is responsible for the illegitimate child with the teacher mentioned above.

DEPUTY SPEAKER: Concerned Minister chhang turin kan sawm ang.

PU F.MALSAWMA, MINISTER. Pu Deputy Speaker, zawhna no.1 (a) chhanna chu hetiang hi ani -

Pre-Primary zirtirtu hmeichhia te, State Social welfare hnuai a thawk te hi sawn an pain an hna atangin ban an ni em ni tih chhanna chu - 'ni e', Education Minister order pek angin an service atangin ban an ni.

(b) Chu chu loni ta selangin sorkar hnathawk ve tho mipa, chuti- tiang anga sawn thlak te chu an chungah Sorkar in eng ang action nge a lak ve, tih ani a. A chhanna chu - 'Department ah chuan chuti- tiang mi chu Govt. servant a mipa lampang hrenna chungchang thu engmah hriatna a la rawn thlang rih lo ani.'

*PI K:THANSIAMI: Pu Deputy Speaker, nia, (a)-na.chhanna kha a tha ka ti khawp mai. Hetiang anga Pre-Primary Teacher Sorkar ina a lo ban zel leh hemi a Minister ina he thupka a lolchhuah hi lawmawm ka ti em em a. Hei hian kan Sorkar in sualna a vei zia leh tihbo a tum zia leh a theih chin china tan a tum zia tilangtu ni in ka hria a. A lawmawm ka ti em em ani. Tin, titawp mai lova chhonzawm zel chi ni in ka hria. Amaherawhchu hemi sualna lo dan zel a tumna hi a khingphel em em mai a. Chuvang chuan ngun lehzulain chhut sela. A dik takin hmeichhia in he hrenna alo tawh nian vanduaia pahnih hranpa kha alo tuar thei ta a. Sawn a paina hreawm hrim hrim leh a hna atanga a thlawna kha ani a. Chutih lai chuan mipa zawk kha suahsualna a tel ve tho, a dik takin heng suahsualna ah te hian mipa hi hmahruaitu an ni deuh zela. Khemi ina engmah hrenna a taww velo hi a dik in ka hre lo a. Chuvang chuan hmanna kan Assembly hnunung bera resolution kan pass tawh hnungzui khan hemi mipa sawn thlaktu Govt. Servant te hi he hmeichhe hrenna ang hi a pe ve ngei dawn lawm ni kan Sorkar hian?

PU F.MALSAWMA, MINISTER. Pu Deputy Speaker, ka hma ani rawn sawi kha a dik khawp mai a. Amaherawhchu heng, Pre-Primary zirtirtu te ho hi kawnglai ho te ang lek hi an ni a. Muster Roll a rawh ang tho an ni. An ni hi Govt. servant service nei a awm an ni lova, chuvang chuan Executive Order helai ah a tih chawp a theih mai a. A dang ho hi chu Govt, Servant tena an hman ber an chungah dan dinglai Conduct Rule a hi hman a ngai a. Chumi chungchangah chuan a theih ang anga heng te pawh hi an chungchang lo ngaihtuah ve turin Head of Department hnenah hriattirna pe turin pek ani nih tawh pawh ka beisei a. Tin, an ni chungchangah kha chuan a mi lampanga kha kan sawi tawh ang khan service rule in a phuar anih avangin an chungchangah a va tih mai theih loh a. Tin, Department pakhat in department dang kha ava control vek lo a. Kan tih a theih ang kha chu naupang te enkawlna chungah nungchang siantur an nih avangin an ni chungchang hi chu theih ang taww a khauh a siantha tura thupok hi an chungchangah chhuah ani a.

Tin, Education hnuai ami teacher a bik takin hemi Education Ministry hnuai a awm ho ah hi chuan action lak ani ve tho a. Entinhan - North Bualpui a M.E. School Headmaster pakhat chu, hemi Pre-Primary School Teacher chungga sawn thlaktu hi, mah pawh transfer ani ve a. Chutiang chuan zirtirtu te reng reng chungah tiang anga naupang entawn tlak loh chi a khawsa hi chu theih ang angia an chungah kan hnen a thlen phawt chuan action lak ani zel a. An awma hmua ve ve a ta awm ho lova inhu zen zen thei lo turin hla taka thawn bo te pawh an awma. A dang a hi chu kan sawi ang khan Social Welfare Department a an va control phak loh te an nih avangin va sawisak theih tehchiam ani lo ani.

DEPUTY SPEAKER: Zawn belhna a awm lo maw? A awm loh chuan starred question no.2 ah kan kal anga. Pu C.Vulluia ilo sawn ang u.

*PU C.VULLUIA: Pu Deputy Speaker, ka zawnna Mizoram Apex Marketing Co-operative Society Ltd. te leh hetiang anga ram pum hap a Society hrang hrang te hi federation khaihawn tumna a awm en? Awm ni ta se chumi Federation sian chungchangah chuan enge Sorkar hian a thlen tawh tih Minister in-charge chhan atan ka zawt e.

DEPUTY SPEAKER: Minister in han chhang sela.

PU F.MALSAMA, MINISTER: Pu Deputy Speaker, heng State-Level Co-operative Society te hi Federation leh a tumna kha a awma. Tin, a pahninna information chungchangah enge a position tih kha, hemi a Federation hi 1981 December hi ni 9 khan register ani tawh a. Tin, Board of Direction nomination chungchangah Sorkar in engemaw uluk taka chhui angaih avangin thil tam tak ngaihtuah ngai a awma. Chu chu Government in a process lai mek ani.

DEPUTY SPEAKER: Zawn belhna a awm en?

*PU C.VULLUIA: Pu Deputy Speaker, zawn belhna, hetiang ang Department mipui mi mir mamawh khawih tu riau mai Cement tih te, chi te leh thawnhaw inbelna kan mamawh chi tin reng mai, consumer goods tih te ngaihtuhtu Super Market te chungchang hetiang anga rahbi thar a hlankai a nih dawn hian engemaw thil tul apiang te chu lo tifei hmasa dim diam in a ti thei tu tur ten khai aw an tih hunah chuan rahbi tharah khan penkai mai tur ni awm ani.

Tin, Minister in a sawi hmangah khan 9th Dec. 1982 thla 6 dawn lai kal tawh ah khan he Federation din hi Sorkar in a renti in a register fel der tawh ani tih kan lo hre ta a. Chuti ni si chuan vawin ni thlenga chu Federation chuan hna a thawk lo

chu enge a chhan tih ka zawta. Chumi rual chuan Pu Deputy Speaker, heng State Labour Societies 3/4 lai te hi kha chen an lo awmdah pangngai eng khan awm thei tawh lovin Federation an luh dawn an avangin an nihna pangngai ata kha khenthlaw an ni tawh si a. A tharah chuan an chuangkai ta bawksi lova. Tuna an hnathawh mekdat leh an awmdan te chu dan leh hrai lam kil atangin eng ang nge ni ta le tih ka zawt leh nghal bawke.

DEPUTY SPEAKER: Concerned Minister.

PU F. MALSAWMA,
MINISTER?

Pu Deputy Speaker, i zawhna kha chu a tja khawp mai, a hmanhmawh thlak viau mai a. Ministry lam atang pawh in hei hi a khawih tu ber tur Secretariat ah vaw duai lo hei hi nawr na a awm renga. Amaherawh chu thil thar anih vangin thil thar te anih avangin kan bye law te ngei pawh kha uluk taka en nawn angai a, thenkhat engenaw sian that ng-ai lai te kha a awm nuala. Chungah chuan duh angin thil a lo awm thei lova. Thil bul a thar tanna tur ah hian uluk taka tih angaih avangin duh angin a chak thei lo ani, Tuna State Level Co-operative Society te individual unit akha duh angin an function that theih lohna lai harsatna an neih pawh Sorkar in a hria a. Chuvangin theih ang taw a ranga bawhzui zel ani anga. Tunah chuan Sorkar kutah a awma, Sorkar in a buaipui lai active consideration a awm an ni tih hi House hian min hriat sak sela a hawmawm ngawt ang.

*PU C. VULLUJIA:

Zawbelhna pakhat dang, Pu Deputy Speaker, a lawmawm a, a chhanna kha. Ama chiah chiah chuan a chianga. Amaherawh chu thil nihna a kalhmang zuk hriat mai khan kan mamawh a kha min hien chhuah tir theihna turin helai a roelna sang berah meuh kan lo sawichhuan tak si ah chuan tuna Minister zahawm takin lo chhui zui ani ang a tih kha a dik ang tih ka ringa. Thla ruk lai chhui zui reng si a, engmah ti lova awm tawh ang hian thla thum dang emaw thla ruk dang emaw a awm ang tih a hlauhawn hle in ka hria a. Engtiangin nge a chiah chiah sawi thei ni lo mah-sela vawin a latest present position pamihna kan zawh chiah kha vawina a dinmun atang chiah hian a goal a petluhna tura federation formation chiah kha eng hun vel nge kan beisei theih ang tih min hriat thei em le?

PU F. MALSAWMA,
MINISTER.

Pu Deputy Speaker, tuna a awmna chu Chief Secretary dawhkanah a awma, Chief Secretary leh Concerned Minister in sawiduh leh tur thil a awma, chung chu a dinmun ani a. Ani chiah chu fapa pawh in a hre lo tih ang deuh hlek ani a, sawi a har deuh hlek ani.

DEPUTY SPEAKER:

Zawh belhna a awm tawh lo maw? A awm loh chuan List of Business No. 2-ah khan kal ila. 'Bill to be considered' tih kha ani a. Kha Bill kha 'The Mizoram Khadi & Village Industries Board Bill, 1982' tih kha ani a. 25th. March Session hmasa khan member

te hnenah khani bill kha kan pe tawh a. Kan member thar te kha a copy kan pe em aw? Kan pek chuan a tha anih chu. Kha kha vawinah consideration leh passing neih tum ani a, chuvang chuan Minister in-charge in kha bill kha ngaihtuah han dil sela a tha ang.

PU F. MALSAWMA,
MINISTER.

Pu Deputy Speaker, i phalna in "The Mizoram Khadi and Industries Bill, 1982" hi House in ngaihtuah ka rawn

dil e.

DEPUTY SPEAKER:

Ngaihtuah kan remti tlang ani lawmni? Kan remtih tlan chuan tunah kan sawiho ang. Kan sawiho dan tur chu, ist.

Reading ani anga. Clause mal te te sawi lovin a tlangpui thu in a buk a tum, a principle hi kan duh tlang nge tlang lo tih te, tha kan ti em tih te sawiho ani ang. Amendment lam kha siam theih ala ni fih lo anga. A principle kha kan sawi phawt dawn ani. Tunah member te hnen atargin hemi "The Mizoram Khadi and Village Industries Board Bill, 1982" ah hian a tlangpui thu ah sawi duh nei kan awm em? Kan awm lo ava ni awm ve? Khadi lamah kan tui lo nge hi? Pu C. Vulluajia.

*PU C. VULLUAJIA:

Pu Deputy Speaker, ka'n sawi phawt anga. Tha deuh deuh a sawi tur kan la inkhek ah ngai phawt mai ila

Khadi and Village Industries han tih hian a tawng hmang Khadi and Village Industries han tih hian a zuk sawi nuam deuh a. A 'khadi' han tih hi a sap ngaisang hnam deuh rum rum a. Amaherawhchu India ramah hian KVI an ti mai a, KVIC (Khadi and Village Industries Commission) hi a lar in an ngaisanga, hna ropui tak thawktu ani. Mizoramah pawh hei, an lo tan dawn ta chiah a. Heng te pawh hi vawin hi ah kan la ti tan dawn anih chuan hna pawh a thawk tan dawn tawh tihna angih kan lo ngai a. Hei, Khadi and Village Industries Commission hotu te, Mizoram a 1975-a an lokal khan Silchar a lo zuk hmuaktu ka ni ve a. Vei Y.M.A. kan ti mai a. An hnathawh kal-hmang hi Y.M.A. hna ang deuh, thingtlanga ram mipui ten tlawng ngaihna a hna an thawh theih ang chi hman tangkaina tur hna ani a. Khadi tih hi Mizo tawngin siam dawn ta ilangin engtingge ni ang ti in an Khadi Board Chairman te, dinner department in an zawh tum khan kan sawiho a, tualtah ni berin ka hria a. 'tualtah khadi' chu chu kan rilru ah awm ta sela. Kut hnathawh ngaisang tur leh keimahnai kutkawih a inngah tumna lampeng Board ah ngai ta ila. Chu chu anih avangin hei hi ngun taka a mal te te a zuk chhut in khawilai ah emaw zuk phuhrem tur awm in a zuk lang thei a. Pu Deputy Speaker, i sawi ang khan a. principle hi chuan hetiang ang thil India ram hmun kil tin ah pawh an ngaihsan leh ram mipui mimir ten an chhawr theih tur thil Mizoram a awmze nei a lo intanna bul vawina kan ngaihtuah thil a hi a tha kan ti a. A hmandan tur leh a thawhdan tur phei chu thil thar ani em em a, a tam ber hian kan hre lo anih pawh in thawktu ten an thawk zel anga. Kan khua, kan runah te an lo la lawi lut anga, chutih hunah chuan a tangkai

zia kan la hre turah dah ila. A tlangpui hian tha ka ti a. Kan hotu ten hetiang anga bill fel tak Mizorama neih tura an rawn duang chhuak pawh hi a nghahhlelhawm hle ka ti bawk a. 1975-atang khan ka lo thlir ve a, vawinni ah a takin kum 7 lai lo ral ta ah hian a takin hmu hi hi lawmawm ka ti a. A kikawi ah zuk luhchilh lovin ka lawmthu ka sawi a. Hemi bill pass tur hian kei ka inpeih ap mai ani tih hi ka sawi duh ani.

PU F. MALSAWMA,
MINISTER.

Pu Deputy Speaker, tlema han sawi fi ah deuh hlek tha in ka hria a. Member zahawm tak tak te khan a copy kha kan nei hlawn anga. Hetah phek 4-na ah khan 'khadi' means any cloths weaven on handloom in India from cotton silk or woolen yakd yield hand span in India or from a mixture of any two or all of such yield and include ready made government made out of such cloth, tih a awma. Khata tang khan tualtah han tih chu awm deuh ber chu ni thein a langa.

Engpawhniselangin tunah hi chuan a term an rawn duan sa ang ang khan kan hmanga. Tin, a bill ah pawh hian a model hemi a commission an siam sa tlangpui zaizui a tih ani a. Eng eng emaw typing mistake leh tiang grammatical mistake te a awm palh anih pawh in kang kha corrigendum ah rawn siam that leh ani a. Chu chu hei tuna awm tak a hi chu phek 9-na ah khan kan en chuan power and function of the board tih ah khan chiang takin an thiltum chu a inziak chhuak a, hei hian zorama kan mamawh puhrukna kawngah thil tam tak kawngro su tak tur ani tih a lang thei a, page 26-na ah statement of object and reasons tih ah khan hemi in a hnathawh tur leh zoram tana a pawimawhna chiang taka tarlan ani bawka. Chu chu a bik takin. Pu Deputy Speaker, tuna Sorkarna chelhtu party hian inthlan hma atangin mipui hnenah a lo tlangzarah tawh angin zokhaw lam thingtlang lam leh keimahni zoram thil te ghawisanna tihlar leh tih than chhoh zel a duhna mipui . . . hnenah alo sawi tawh chu tih puitlinna atan a pawimawh ve a. Hei hi . . . House a member zahawm tak tak opposition te pawh ina thingtlang lam mi hnenah leh zoram mipui tam ber hnenah zoram tihmasawna kan sawi, kan tlangau pui theuh kha ni in a langa.

Chuvang chuan heta han en reng reng pawh hian Village Industries han tih atang hian city leh town te ringawt a inngat lo ani tih a chiang ta nghala. Tichuan zoram mipui tam zawk 80% te mamawh puhrukna tur atan tangkai tak anih ka beisei a. Thingtlang lam tihmasawna nan leh rethei zawk te mahni kut ke a an intodelhna kawng mahni theuh mamawh in puhruk theih nan tangkaina nasa tak neih tura beisei ani.

Tin, chu bakah a senso tur zawng zawng hi state Sorkar in 50% chauh a tum anga, 40% hi chu a commission hian an rawn tum dawn bawk ani. Tin, thingtlang lamah hemi industries titu te neuh neuh hian Khadi and Village Industries commission atang hian tanpuina tam tak hmu theih a awm bawka. Chumi atang chuan keimahni a post kan lo neih ve hi a tul ta a. Chu chu ka rawn putluhna chhan ani.

DEPUTY SPEAKER: Member dang sawi duh kan awm tawh lo maw? Pu Ngurdawla.

*PU JOE NGURDAWLA: Pu Deputy Speaker, ka'n sawi ve reng reng tah ang. Kan Minister in a rawn sawi fiah ang Khan, tin, nei tawh daih tur kan ni tawh zawka. Kan ram mamawhdan kan en hian, amaherawhchu kan tlai mah mah a, mahse a tha tho a. Pass thuai chu a pawimawh a. Amaherawhchu engemaw lai te te ka'n thil chho anga. Assam ah 1955-ah te pawh an lo tih tawh ang khuan thil tha ani tih chu a hriat mai a. Hemi adopt ringawt a kan lo awm thei kha. state putting kalhmang pawh ani lova. Chuvang chuan a tum a hi thingtlang mi industry a tum a hi chawilen tur tam tak a awma. Chumi mila an lo ngaihtuah chhuah ani tih a hriat theih a.

Tin, hemi hian Gandhi a policy pawh a rawn base chho a, India in athlar chhoh ani ta. Thingtlang Industries te te hi alo len chhoh chuanin capitalism kan tih leh he factory lian pui pui atanga indominate na tiang hi a rawn tibo ve bawka. Chuvangin kani ramah chuanin, hemi aim and object ti a a rawn sawi ang zawng z wag hi hemi kurtai siam te leh thil hrang hrang a hi chawilenna ani t kmeuh a. Thingtlang a hana kal hianin tanpuina an lo dila. Hemi en bik tur hi an nei chiah si lova. Chuvangin MLA te tan pawh a lu hai thlak em em a, hemi hi improve thui a tul takmeuh meuh ani.

Tin, local thil kan tualtah te leh kan puantah leh khumbau te leh thil chihrang hrang a hability ni ngai takmeuh meuh a. Ram dang lar ve theihna tur hian chung ah te pawh chuan clause by clause in an thuai ila, zo thuai mai ila tha hle in ka hria. Ka lawme.

*PU HIPHEI: Pu Deputy Speaker, a hming an han sawi mai kha chuanin ka hre lo em mai a, a kalhmang kha. Chuvangin ka sawi tha lem dawnin ka hre lova. Tin, ka tai pha lo dawnin ka hre bawka. Nimahselangin kan Minister ina han dia hnu a statement of object and reason tih kha han chhiar ula, an tih khan kan chhiar ve a. T hchuan thil sawi duh tlem te ka nei thar a.

Hei, medical plant collection, bee-keeping well extraction, goods making, carpentary, black smithing, cane and bamboo work collection of medicine of plant, goods preservation village, leather work and fibre producing tih te ka lo hmuh hianin min tilawm a viau a. Kai ka milo ah hian ngaihtuanna te hetiang hian ka nei a, Pathian hian he lailung hi mahni intodelh thei tur hian a siana, a thil siam hi a fankim thina. Mihring nun erawh hi chy he khawvela kan awm chhung hi chuan ala fankim lo chauh ah hian kan ngai thina. Chumi ka'n sawi duhna chhan chy he lailung hausakna reng reng hi mihring finna thangcho zelin a hmuhchhuah theih chuan he mihring khawvel a kan awm chhunga daih thei tur leh tha tawk tura siam zawh vek ni hian ka hria a. Tunah hian kan hriat phak loh kan hmuh phak loh ah chuan lailung hausakna Pathian siam sa ah hian mihring nunna atana thil tangkai tak tak tuna khawvel mifing te pawh in an tihdam theih loh cancer natna te pawh tid-m thei, mihring tana tiang khawp a tha te pawh hi he Pathian thil

esi am sa ah hian a awm ngei niin ka ringa. Amaherawhchu tunah hian mihrieng fihma hian ala pha lo zawk ni in ka ngai a. Chutiang anih chuan nakin khawvel lo la kal chho zel hian chu chu a pawh chhuah ve hun a thleng ang tih ka ring tlata. Chumi rinna ah chuan he thil hi a inzawm tlat in ka ringa. Tunah hian kan rama thil awm te hi a hmandan thiam rih lo mah ila nakinah kan la thiam chho ve mai dawna. Chumi kan thiam chhoh hun atan chuan sawti lai a min ti lawm em em pakhat la collection of medicine of plant tih te, he ram leilung hausakna ah hian mihring tana damdawi tha tak tak tuna mifing te pawh in an hmuhchhuah loh damdawi lam siam te pawh in an la hmu rih lo mahse thingltng paina damdawi tha tak a kan hman mai khawsik tana tha tak tak te, kawthalo tana an hman mai te, tam tak a awma. Chung te chu tunah hian enkawltu nei lo arigin an awm ta a. Tunah Mizoram ah chuan kan lo nei hman hian a zir si lova. Lo an han vata, an han hal leh a. Chu lo hal chuan kha thil tangkai tak tak te kha a kangfai vek thei si a. Chuvang chuan hemi tihrehna tur chuan hetiang board kan nei h a, khatianga mihring tana thil tangkai tur te han lakhawmtu tur te kan siam hi thil tul tak ni in ka hria.

Tin, chubakah hei, state dang atanga an siam sa lei ah kan intlansiak ta bera. Kan ramah hian khatianga lei ngai lova keini pah in kan siam theih ram danga zawh chu ti thei lo mah ila, mahni i todelh theihna tur thil eng engemaw chu kan nei ve ani.

Tin, a bik takin damdawi atana thil tangkai Pathian lo siam keimahni zir loh vanga halral a a awm mai mai thin hi humhalh a awm mai tur hian min tilawm em em a. Chuvangin a tlangpuiin he bill hi ka zuk zirin ka zuk chhiar tha hman lo na a a aim and object ka zuk chhiar hian pass tlak ni in ka hria. A detail tak kha chu nakinah pass dawnah sawi duh leh kan sawi leh anga, a tlangpui thu chuan he bill hi mipui tan tangkai tak ani ang tih ka rin avangin pass tlak ni in ka hria ani, pass hi tha ka ti ani. K. L. M.

DEPUTY SPEAKER: Sawi duh dang kan awm tawh lo ani awme. Tunah second reading ah kal ila. Amendment Bill a rawn theihluh atang khan khami kha kan hmuh loh avangin tunah sawihona chapter-1 atang hian nei nghal mai ila. Chapter 1-na ah hian sawi duh nei kan awm em? Kan awm lo em ni?

PU F. MALSAWMA, MINISTER. Pu Deputy Speaker, grammatical mistake leh principal mistake a awm zeuh zeuh a, kha kha engtinge kan tih dawn? Corrigendum pawh buatsah ani a. Sem rawh aih chuan tarlan nawn ngai lo ni mai sela. Hei hi House in kan hriat sa ah ngai ta mai ila. Chu bak chu sawi duh ka nei lo.

PU HIPHEI: Pu Deputy Speaker, sawi tur tehchiam neilin ka inhre lova. Amaherawchu kan Minister sawi fiah atan, 'It shall extend whole of Mizoram' tih ka rilru a lo, kang chu tunah Mizoram District Council 3 kan nei a. Hemi tena an thil khawih tur hi collection of medicine of plant alo nih dawn chuan khami District Council thuneihna kan khami plant te leh an ram chung an hausakna reng reng a te khaa District Council thuhnuai ah lo awm ta ang sela. Khang kha inkalh thil a awm thei angem, tih hi a sawi hunah min hrilhfi h sak sela ka lawm khawp ang.

DEPUTY SPEAKER: A dang? Chapter 1 ah sawi duh nei kan awm lo maw? Anih chuan Chapter 2-na ah kal mai ila. Tan hian sawi duh nei kan awm em? Kan awm loh chuan Chapter 3-na hi. 'Power & Function of Report' tih ah hian? Kan awm lo ani maw? Tunah chuan Chapter 4-na ah, 'Programme of Scheme of work' tih ah hian sawi duh nei kan awm em? Chapter 5-na 'Finance Account Audit and Report' tih ah hian sawi duh nei kan awm lo leh em ni? Chuti anih chuan a bill title hi sawi ila ani mai a awm. A tittle thu ah hian sawi duh nei kan awm em? Kan Minister in heng thil ah hian clarify tur a nei em?

PU F.MALSAWA, Pu Deputy Speaker, ka nei hranpa lem lo.
MINISTER, Pu Hiphei a min zawhna kha chu a working modelities ani a. Nakinah a tak tak a thawh hunah dan dinglai pangngai chu va bawhchhiat theih ani chuang dawn lova, khami dan dinglai pangngai a kha. Tunah kan member zahawm takin a sawi a kha, a tak tak a an thawh theih munah chuan a thawh theih dan kawng awm chung ber chu inbiak tiana, inrawn tiana, dan dinglai a thawh tur ani mai ang chu.

DEPUTY SPEAKER: Chuti anih chuan a bill kha a pumpuin khami Chapter 1, 2, 3, 4, 5 and 6 tih ah te kha sawi duh nei kan awm lem lova, a tingpui, thu a sawi kan ni bawka, Chuvangin he bill, 'The Mizoram Khadi and Village Industries Board Bill, 1982' hi pass renti apiangin ban dinglam pharin 'renti' iti ang u. (Member te chuan ban dinglam pharin renti' an ti a) Tichuan he House hian 'The Mizoram Khadi and Village Industry Board Bill, 1982' hi a pass e.

Tunah kan Business kan zo ani mai a, naktuk ni 28.5.1982 zing dar 10:30 ah chhinzawm turin kan inkhawm i tin ang u.

Meeting adjourned at 11:10 A.M

J. Malsawma,
Secretary.